

Nutaqqanut Inulramirnullu Uqaqtikhaanik Tuyuutigiyauyut
Ilinniaqtuliqiyikkut Havagvianin Tukhiqtauhimayumi Aallanguqtirutikhanun
uumunga 2008 *Ilinniarnikkut Maligarmun*

Hikutirvia 29,2018



ᓄᑕᖅᓃᓄᑦ ᓄᓄᓄᑦ ᓄᓄᓄᑦ
ᓄᓄᓄᑦ ᓄᓄᓄᑦ

NUTAQGANUT INULRAMIRNULLU
UQAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

Kangihipkaidjutit

Nutaqqanut Inulramirnullu Uqaqtikhaanik Havagvinga (RCYO) quviahuktut tunigiami uumunnga Ilinniaqtuliriyiitkut piyuq piumayangit ihuaqhaqhimaninngit uumunnga *Ilinniaqtuliriyiitkut Maligaaq* unalu *Inuit Uqauhinginnik Tammaqtailinirmut Maligaaq*. Una tuniqhaininnga piyuq ataanut RCYO-ktut maligatigut havaanga piliuriami pitquyauyut nutarap Inulramiillu-piyuq maligaaq, malikhugu titiraqhimaninnga 3(e) uumunnga *Nutaqqanut Inulramirnullu Uqaqtikhaanik* (RCYA).

2016, RCYO-ktut piliuqtuq tuniqhainiq uumunnga Ilinniaqtuliriyiitkut piyuq piumayangit ihuaqhaqhimaninngit uumunnga *Ilinniaqtuliriyiitkut Maligaaq*. Tamna tuniqhainiq piqaqtuq hitamanik pitquyauyut ikayuriami hapummiutigiami hivummuuriamilu ihumaqhutit aliagiyangillu inuulrammiuyut Nunavummiut inmikku amihuuyuniklu. RCYO-ktut quviahuktut naunairiami pingahuuyut hitamanik pitquyauyut piliuqtauyut angiqtauyut Ilinniaqtuliriyiitkunntit. Kihimi, pingmat Maligakhamut 37 qin'ngiyaungmat Maligaliuqtinit Nunavut Maligaliurvinganit uumunnga pitquyauyut uumunnga Tikkuqaqtauhimayut Katimayit Maligalirinirmut ukiakhami 2017, hapkuat pitquyauyut angiqtaungittut.

Tallimaut Nunavut Maligaliurvinga hivulliutipkaqtait ihuaqhaqhimaninngit uumunnga *Ilinniaqtuliriyiitkut Maligaaq* unalu *Inuit Uqauhinginnik Tammaqtailinirmut Maligaaq*. Uvani *Turaaqtavut*, kavamavut akhuuqtut "tunihilutik nakuuiqharmik iliharnirmik, ihuaqhiyuumirlugit ilihagtut ilihariangniit uvalu hakugingniit Inuktut."¹ Taimaa Nunavut Kavamanga havaktuq pigiami hapkuat tikinnahuaqtangit maligalirinirmut ihivriurniq ihuaqhiigiami, RCYO-ktut tuniyut pitquyauyut naunaiqhimayut una tuniqhaininnga aadlanut piplugu tikinnahuaqtangit ihumagiplugu; piliuriami ilihainirmut timiqutigiyangit hapummiutigiyangit hivummuuqtitaillu inuulrammiuyut Nunavunmiut ihumaqhutit ukununnga ilihainiq, pitquhinga, uqauhingalu. Una tuniqhaininnga naunaiqqaqtayut ukunanit Hilaryuami *Katimaryuaqtit Agiqatiriigut Pilaarutainik Nutaqqap* (CRC) unalu Inuit inujuhiini aturniqaqtuq *piliriqatigiinniq/ ikajuqtiigiinniq*, havaqatigiiktuq nakuuyumut pigiami.

Hilaryuami Katimaryuaqtit Agiqatiriigut Pilaarutainik Nutaqqap

Akhuurninnga tuniqhaininnga ihumagiyauyut uumunnga CRC. Katimaryuaqtit Angiqatiriigut Ihumaqhutainik Nutaqqap maligatigut-pihimayut angigutit iliugaqtauhimayut maligat, kavamanun, maniliurnirmun, inuuhiqattiarnirmun uvalu pitquhikkut pilaagutit tamainun nutaqqanun. Nutaqqat naunaiqtauyut inmikkuuqtut ataani ukiuqaqtut 18mit.

Talvani Kanata angirmagu una CRC uvani Kantata angiffaaqtaat Angirutikhaq 1991-mi, akhuuhutik tunihilutik nutaqqanun inulgamirnunlu tamaini ihagiagiyainik inuuyamingni uvalu pivalliarlirlutik inmi inuunirmingni. Nutaqqanun inulramirnunlu piqaqtut aadjikutaanik inuit pilaagutait iningniqtut. Kihimi, taimaalu nutaqqat inulgamiitlu qayangnautiqaqtut iningnirnin ilaani ihagiahuktut taiyauhmayunik ikayuutunik aaniqtailinikkutlu. Ukuu CRCKut tunihiyut taimaa ikayuutunik uvalu aaniqtailidjutinik uvalu pidjutiqaqhutik qanuginirmik nutaqqat pilaagutinik tigumiyut.

Ukua CRCtkut iluaniit 54 titiraqhimayut naunaiyaiyut pilaagutait nutaqqat, uvalu munagidjutait kavamatkut uvalu ilagiit piqarlutik ikayuutikhanik nutaqqat pilaagutainik. Akhuurnaqtuq titirarlugit tapkua pilaagutait nutaqqat naunaiyaqhimayut uvani CRCmi aviktuqtaulimaitut attautinit uvalu attauhiq pilaagut akhuutqiyaungitut aipaainin. Pipkaidjutikhanganut uumannga tuniqhaininnga, RCYO-tkut ihumagilluaqtaa akhuraaluk uuminnga Naunairvingit 3, 12, 28, 29, unalu 30.

Naunairvik 3 uumunnga CRC uqaqtait tamainni qanuriliurutingit piyut nutaqqanut inulrammiinullu, nakuutqiangit piumayangit hivulliutiyuq ihumagilluaqtanganik. Taimailuriami, una Naunairvik naunaiqtaa, ilangani, kavamatkut ayuiqhaqtakhaa ayuqhautinga uumannga qanuriliurutingit nutaqqanut inulramiinullu, unalu qanuriliurutingit piyut kavamatkunni havagvinginni, titiqiqinirmut atan'nguyangit, maligaliurnirmulluuniit timiqutigiyanganit.²

Naunairvik 12 uumunnga CRC uqaqtaa kitut nutaraq inulramiilluuniit piliuqtaaqtuq qanuqtut ilihimayanganiq pilaarutilik uqarumagumiuk qanuqtut ihumagiyanganik inungnut taimaa ayuqhautipkaiyaanik, uumanilluaq maligatigut titiqiqinirmulluuniit piluni. Qanuqtut ihumagiyangit uumunnga nutaraq inulramiilluuniit tuniyauyut piyunnautinganit malikhugit ukiungit mikkauvallaarumikluuniit angiklihimagumikluuniit. Nutaqqat Inulramiillu inmikkuuqtut qanuqtut ihumagiyangit qanuriliurutingitlu nanmininngit, nipingillu ihumagiyauyukhaq tahapkunanit ihumaliuqtut ayuqhaqtipkaiyut inuuhimingnik.³

Iliuraqhimangmat Naunairvingit 28 uumanilu 29 uumunnga CRC, nutaqqat Inulramiillu pilaarutilgit ilihainiq — ilihainiq piliupkaiyaa nutarap inuuhinga, ayuitaminik, pittaqaqtaminiklu uumunnga tamaat pipkaidjutigiya pimarikgumik pilugit aadlanut, Inuup ihumaqhutit, nanminiriyangit aadlatlu pitquhit.⁴ Ilihainiq piyukharlu tunngavinganit aadjikutauyunit pivikhaqautikhat, akhuurutauyuq nutaramut Inulramiillu timimitigut ayuqhautilgit, ilagiyauyut nunallaanilluuniit piyut.⁵

Naunairvik 30 uumunnga CRC uqaqtut nutaqqaup pilaarutinga ayuiriami uukturiamiklu nanminiriyangit pitquhinga uqauhingalu.

Pitquyauyut Hivulliqaami piliuqhimayuq uumunnga Ilinniaqtuliriyiitkut

September 2016mi, RCYO-tkut piliuqtut hitamanik pitquyauyut uumunnga Ilinniaqtuliriyiitkut piyuq ihuaqhaqhimaninngit uumunnga *Ilinniaqtuliriyiitkut Maligaaq*. Hapkuat pitquyauyut piyuq uumannga RCYO-tkut qanuqtut ihumagiyangit piumayanganiq ihuaqhaqhimaninngit, talvani, naunaingitaa Kaanata Nunavuutimlu uqariyaqtanginnik uumunnga CRC — maligatigut atayuq titiraq Kaanataup angiqtaa 1991miⁱ. Pitquyauyut hamma:

ⁱ Kanata angigutigiyaaq una *Katimaryuagut haffumunga Pilaagutainun Nutaqqat* uvani Ubluiqtirvia 13, 1991mi. Uvani Ubluqtuhivia 12, 1992 ukua CRCtkut aulugituyut Kanatami.
<http://www.parl.gc.ca/Content/SEN/Committee/381/huma/rep/rep19nov05part1-e.htm>

1. Uqautigiblugu ilauyuq akhuugutit hapkununga CRCtkut maliklugit hivunikhaliugutait uvani atanguyat uvalu naunaiyaqhimania ihuaqhaqhimayup *Iliniaqtuliqiyit Maligaat*.
2. Pihukhaarlugu uvalu ihumaliuttiarlugu qinirlutik uqaqtainik ilihaqtut hivungani uvalu tadjamin pivallialiqata maliguagahanik uvalu havauhikhainik ikayuutikhamun haffumunga ihuaqhaqtauhimayumin *Iliniaqtuliqiyit Maligaat* uvalu hivungani maligaliurnikkut katimadjutini.
3. Uqautigilugit ilaungidjutait nukakhiit ilihaqtut hapkununga pidjutinun uvalu ilauqatigiingnirmun hapkunani atanguyat katimadjutaini, tahapkualuat pidjutiqaqtut ilihaqtut iliguiqtitaualaktut uvalu anitauhimayut.
4. Hakugihiyuumirlugu ilihaqtut ilaqatigiingnirmik havagvingni hapkua DEAtkut imaa ilaliutilugit naunaiyaqhimayunik iluaniitunik uvalu maligani uvalu atuliqtilugit niguarnikkut pidjutit hapkununga niruaqtauhimayunun ilihaqtut kivgaqtuqtunun.

September 2018mi, Ilinniaqtuliriyiitkut naunaiqtait pingahut uumunnga pitquyayut piluqtauyuuq RCYO-tkunnit ilaliutiniaqtuuq iniqhimaittunit maligaliurniq tuniyukhaq Maligarliurvingmut upin'ngakhami 2019. Hapkuat pitquyayut ilaliutiyuuq pitquyayut nampanga 1, nampanga 3, unalu nampanga 4, naunaiqhimayuuq hamna qaangani.

Taimaa May 2018 Maligalirinirmut Tukhiutinga⁶ naunaiqtaa Ilinniaqtuliriyiitkut hivumuurniaqtuuq ilaliutilugu pitquyayut nampanga 3 —pilaarutinga ilihaqtunut mikkauvallaqtut ilaugiamingni titiqqinirmut tuhaqtipkaiyunik (tamaat ilihainiq ihuigiyanganik, ihuaqhaidjutimut ihumaliurutingit, unalu ihuigiyanganik), ihuaqhingitaa akhuurutauyuuq ilagiyanga RCYO-tkut pitquyayut; mikivallaqtut ilihaqtut pittaaqtait aullaqtiriami hapkuat qanuriliurutingit. Pitqutiqaqtut Ilinniaqtuliriyiitkut pulaaffaarlugu una ilagiyanga uumunnga pitquyayut taimailiurumi, ihumagiyakhaa pitquyayut nampanga 8 uumunnga tuniqhaininnga — naunaipkarlugu ihumaliurutinga angikliyut nutaravallaqtut uumani *Ilinniaqtuliriyiitkut Maligaq*.

September 2018mi, RCYO-tkut akhuuquyuit Ilinniaqtuliriyiitkut qiniqhiagiami qanuqtut ihumagiyangit ilihaqtunit, naunaiqhimayuuq uumani pitquyayut nampanga 2 — naunairiami nipingit ihumagiyangillu inuulrammiuyunit Nunavummiut ihumagiyayuuq — taimaa Ilinniaqtuliriyiitkut hivumuqtuuq aadlangurninnganik uuminnga *Ilinniaqtuliriyiitkut Maligaq*. Una hivulliqpaangungittuuq akhuurutinga inulramiit ilauniq tuniyayuuq Ilinniaqtuliriyiup naunaipkainiq havagviptingnit. Niqiliqivik2018mi, RCYO-tkut tuyuqtaa Minista Ilinniaqtuliriyiitkunnit titiqqamik akhuuquyuit Ilinniaqtuliriyiitkut ikayuriami Naunairvik 12 uumunnga CRC ilauqatigilugit inulrammiuyut Nunavummiut tuhaagiamingnik qanuqtut uqarahuat ilihaininnganit naunairiami ihumagiyangit ihumaaluutigiyangillu piimayuyumit ihuaqhaqhimaninngit. Kiudjutinga Ilinniaqtuliriyiitkunnit uqaqtut: “Niriuktugut uumunnga uqaqtigiingniq tuhaayumayugullu tamainnit Nunavunmiutanit. Akhuuquyavut inulramiit aturlugillu nipingit tuhaqtaugiamingnik.”⁷

Akhuuqulugit Ilinniaqtuliriyiitkut qiniqhiagiami qanuqtut ihumagiyangit ilihagtunit pitquyauyut piliuqtauyuuq uumanna Ilitariyauyut Katimayiit Ihivriuriami *Ilinniaqtuliriyiitkut Maligaq*ⁱⁱ (Iltariyauyut Katimayiit):⁸

Iltariyauyut Katimayiit pitquyuit hivunirmi ihivriuqtauyut uqaqatigiingnngillu uumunnga *Ilinniaqtuliriyiitkut Maligaq* qiniqhiayut ihuaqtumik qanuqtut ihumagiyangit uumanna Nunavut ilihagtunit ihuaqhiqhiamingni tautuktuuyaaqatamingnik qanuqtut ihumagiyut Nunavuutim ilihainiq timiqutigiyangit ikayuqtait ikayungitailluuniit pigiamingni ilihainirmut tikinnahuaqtangit.

Uumani Ilinniaqtuliriyiup kiudjutingaⁱⁱⁱ uumunnga Ilitariyauyut Katimayiit,⁹ Ilinniaqtuliriyiitkut angiqut ilihagtut, ukuallu iliharutinginnik iniqtiqtut, “uqaqtauyukhat ilaupkailugillu hivunirmi ihivriuqtauyut.”¹⁰ Una ilaliutiyuuq nutaaq ihuaqhaqhiimaningit uumunnga *Ilinniaqtuliriyiitkut Maligaq*, taimailluaq ihumagilirumi ayuqhautigiyauyuuq una maligalirinirmut piniaqtuuq inuuhinginnut nutaaqat Inulramiillu nunavunmi.

Piyuuq Ilinniaqtuliriyiitkut angmaumayuuq ihumagiami nutaaqat Inulramiillu qanuqtut ihumagiyangit, piqangittuuq naptuyumik ihumaliurut talvani ilaupkaigiami nutaanut Inulramiillu ilagiyanganik uumunnga nutaaq uqaqatigiingnirmut havaanga. Piittumik pilluaqtauyut inulramiit uqaqatigiingniq ihumaliurut, munarininna piyuuq inulrammiuyunut Nunavummiut ilaupkariami uumunnga Ilinniaqtuliriyiitkut piimayanginnut ihuaqhaqhiimaningit ilagiyanganik uumunnga inungnut. Una quviagipkangitaa Ilinniaqtuliriyiup angirutinga ilihagtut “uqaqatigiyauyukhaq ilauyukharlu hivunirmi ihivriuqtauyut”¹¹ angiyurlu ayuqhaqtitauninna uumunnga nutaamut uqaqatigiingnirmut havaanga.

Aadlat Pitquyauyut

Talvanngaani RCYO-tkut September 2016 tuniqhainiq piliuqtaungmat, havagvikput havaktut amihunut nutaaqat, inulramiit, ilangit, ikayuqtiyuuq tamainni nunavunmi. Talvuuna uumanna havaanga, aadlat pitquyauyut pimmariktumik piplugu uumunnga *Ilinniaqtuliriyiitkut Maligaq* ilitariyauyuuq. RCYO-tkut angiqhimmaaqttaa hivulliqpaat hitamauyut pitquyauyut piliuqtuuq Ilinniaqtuliriyiitkunnt 2016mi, tuniyurlu hitamat aadlat pitquyauyut ikayuutiuyuuq Nunavuutim nutaaqat inulramiillu.

Atuliquyauyuuq #5: Ilinniaqtuliriyiitkut tuniyuuq Ilihaliqtinnagu Ayuiqhayut Ilihainiq pinahuarut tamainnut nunallaat Nunavunmi.

Naunaiqhimayuuq uumani *Ilinniariliriniq Turaaqpalliajavut Tikinnahuaqtavut ilihainirmut*,¹² Ilinniaqtuliriyiitkut pitquyauyuuq Ilinniaqtuliriyiit Katimayiit Nunallaani (DEA-tkut) hivulliuuyumik piniaqtut tunigiami Ilihaliqtinnagu Ayuiqhayut Ilihainiq (ECE) ilihainirmut ikayuqtauluni Ilinniaqtuliriyiitkut ukunanillu DEA Katimayiingit. Aadlamiklu pitquyauyuuq DEA-tkut tikkuuqtuuq tunigiami ECE ilihainirmut tuniyuuq una ilihainirmut inmingnik atungilluni pingahuuyunit pipkaidjutiyunit. DEAtkut piimangitkumik

ⁱⁱHikutirvia 2015

ⁱⁱⁱUbluirvia 2015

tunihilutik ECEp ilihaidjutainik, Iliniaqtuliyiit tunihiniaqtut, pihimalugit tapkua kavamatkut maniliqtuiyut haffumunga ECEmun tamaat atuqtauluni.

Ikayuutauyuq ECE ilihainirmut ikayurniaqtait nutaqqat — tahapkualluat piqalluangittut nutaqqat — ihuaqhilugu ilihainirmut qanuriliurutingit ihuaqhainirmut ihumaliurnirmut pittaaqtuq, kihitittiimingnik ayuittuq, taigualiurnirmiklu.¹³ nutaqqat ilauyut ikayuutauyumik ECE ilihainirmut piliuqtut nakuutqiamik Inuup ayuitaminik ikayurniaqtait qiniqhiagiami nakuutqiamik havaamik maniliurlunilu nutaqqanit ilaungittut aadjikutaanik pinahuarut.¹⁴ Unalu uumunnga pinarungnaqhiyut ilihainirmut havaakhangillu nutaqqat ikayuutauniaqtuq talvanngaani ikayuutauyumit ECE ilihainirmut, piqaqturlu maniliurnirmut ikayuutikhat. Tamainnut \$1 maniliuqtamingnik ECE-kunnut, itqurnarutauyuq utiqtirninnga uuminnga \$3.60.¹⁵

Taimaa RCYO-tkut ihumagiyait tamaita nutaqqat, tamainni nunallaani Nunavunmi, piqaqtukhayut aadjikutaanik piinariaaqinnga nakuuyumik ECE ilihainirmut. RCYO-tkut pitquyait hapkuat pinahuarut akituvallaangittut Nunavummiunut tuniyauyurlu ayuittiaqtunit, malruungnik uqauhilgit ECE sikuqtittiit havaktut Nunavut Kavamangani. Taimaa Ilinniaqtuliriyiitkut uqaqtut, aturninnga amihunik uuktuutunik piluni malruungnik ilihainirmut nakuutqiamik pigiami nunamingni ihariagiyangit tuniyut, ilagiyangani, piliuriami akhuurutauyuq aadlatqiinik sikuurvingnit nakuungittumiklu ayuqhaqtitauyuq tuniyauninnga uumunnga ilihainirmut.¹⁶ RCYO-tkut ihumagiyait aadjikutaa piyuq ECE-kunnut taimaa havagvikput ilitariyait akhuurutauyuq havaanga DEA-tkut, Ilinniaqtuliriyiitkut nakuutqiamik ihuaqhaqhimayuq naunairiami nakuuyut ECE ilihainirmut tuniyaunginnaqtuq tamainnut nutaqqanut tamainni nunavunmi, talvuuna ikayuqhugit naunairiami tamaat pittarninnga.

Atuliquyauyuq #6: Hivullitigilugu havaktittiniq inulrammiuyut Inuit sikuuqtittikhamut titiraqhimayumi Inuit Havaamitigut Ihumaliurut.

Pipkainahuarlugit, havaktilirlugit, pihimalugillu piqaqtut qaffiuyut ilauyumayut akhuuqtutlu sikuuqtittiit nunaryuaptingni maligatigut ihumaalutigiyauyuq.¹⁷ Aadlanut nunangani, Nunavut atuqtait sikuuqtittiiqalluangittuq. Uumani Havagvinga Ihivriutiyup (OAG) 2013 taiguagakhaa uumani 2008 *Ilinniaqtuliriyiitkut Maligaq*, qaffiniit naunaiqtauyut ihumaalutigiyauyuq iliuraininnga uumunnga Maligaq, talvani amigaittut ilitariyauyut pipkaidjutinirmut.¹⁸

Aadlattaq akhuurutauyuq ihumaaluutunik naunaiqhimayuq OAG ihivriurniq uumunnga maligaq nalruungnik ilihainiq. Malruungnik ilihainiq pipkaidjutyuq ihariagiyauyumik havaaq pihimagiami, atuliqtitaugiami, unalu atuliqtitauniq Inuktut.¹⁹ Iniqtirninnga malruungnik ilihainiq Nunavunmi talvunga ayuqhaqtipkaiyuq ukununnga inulrammiuyut Nunavummiut ihumaqhutit naunaiqhimayuq uumani Naunairvingit 28, 29, uumanilu 30 uumunnga CRC.

Ilinniaqtuliriyiitkut pitquiyuq aadlamik piyukhaq malruungnik ilihainiq umigvikhanganiq, iniqtirutinga naunaitkutangit piyuq uumunnga Ilinniaqtuliriyiup Inuit Havaamitigut Ihumaliurut (IEP). Atauhiq ilagiyanga iniqtiriami nutaanguqtitauyuq IEP angikliyuumirlugit qaffiuyut Inuit havaktut iliharvingmi ukunuuna angikliyuumiqtuq havaktitauyakhamut akhuurutauyuq.

Uqaqtauyuuq “apqutinga sikuuqtittiinguriami piyuq hivuniqpiami sikuuqtittiit angiqtaait ilihaidjutingit, hivulliqpaami, akhuuqpiaghuni, tuglianit sikuurvinganit qilaminnuarluuniit.”²⁰ Piliuqtuuq aqagu sikuuqtitiingit pivaktuuq ublumit ilihaqtunit, angikliyuumiliqtuuq taigualiurnirmut ikayuutaut havaktigiami inungnint nunallaanit sikuuqtittiigiamingni nunallaani humit qaiyut.²¹ Havaktigiami inulrammiuyut Nunavummiut inuumunnga sikuuqtittiinguqtukhat akhuurutauyuuq ihuaqhgiami amigaitpallaaq havaktut ihumaplugillu malruungnik ilihainiq Nunavunmi. Uumunnga, RCYO-tkut pitquyait Ilinniaqtuliriyiup angikliyuumiqtuuq havakttiitiniq uumani nutaanguqhimayuuq IEP ilaliutiyuuq hivulliutiyait havaktilirninnga inuulrammiuyunit Inuit inuumunnga sikuuqtittiingurnirmut.

Atuliquyauyuuq #7: Iliurarlugu tukiliurutingit tamaat ilihainiq ilihaqtunullu ikayuutininik uumunnga Ilinniaqtuliriyiitkut Maligaaq, naunairlugulu nutaqqat, inulramiit, ilangitlu ilihimayut ikayuutimik piinarialik talvannga. Tukiliurutingit uumunnga ilihainiq pinahuarut unalu sikuurvik pinahuarut naunaiqtauyukhaugaluq maligalirinirmi, unalu kitut piyut tamarmingnut pinahuarut kinalu munariyakhaa munarinirmut hapkuat ihumaaluutigiyauyunik.

Kavamangit munariyakhait naunairiami nutaqqaup ihumaqhutit pimmariktumik piyauyut, hapummiutihimayut, unalu iniqtiqtaillu, unalu piliurluni avatingani talvani nutaqqat angikliyuumiriami tikigiamilu tamaat pittaaqtamingnik. Una akhuraaluk akhuurutauyuuq uumani ilihainiq timiqutigiyangit.

Naunaipkaininngani uumunnga 2008 *Ilinniaqtuliriyiitkut Maligaaq*, uqaqtauyuuq una maligalirininninga angiqtauyuuq, ilagiyangani, piyuq ikayuutinganit “tamaita nutaqqat ayuiqtaaqut, ayuiqhainiq inuup havaariyaa, unalu aadlangayuuq ilihainirmut ihariagiyangit pittaaqtangillu ikayuqtauyukhaugaluq tamaat ilihainiq timiqutigiyangit.”²² Naunairvik 28 uumunnga CRC uqaqtaa nutaqqat piqaqtuuq pilaarutinga ilihainirmut — ilihainiq piliuqtaa tamarmik nutaqqap pitquhinga, ayuitaminik, pittaaqtaminiklu tamainnut.²³ Taimaa tamaat ilihainiq ikayuutauyuuq nutaramut pilaarutinga, ihumaliurutinga naunaiqhimangittuuq maligalirininnanut, talvuuna pipkaidjutiniaqtuuq nalunaqtumik kitutt tamaat ilihainiq ihariagiyait.

2014mi tuniqhainiq piliuqtuuq uumunnga Ikhivautalik uumunnga Ilitariyauyut Katimayiit uumani Ihivriurniq uumunnga *Ilinniaqtuliriyiitkut Maligaaq*, Ilinniaqtuliriyiitkut pitquyait aadlamik tukiliurutingit tamainnut ilihainiq ilihaqtunullu ikayuutikhanik titiraqhimaninngani 3 Maligami.²⁴ RCYO-tkut ikayuqtait Ilinniaqtuliriyiup pitquyauyut iliuriami hapkuat malruuk tukiliurutingit maligalirinirmut. Kihimi, tamaita ikayuqtait havaangungmat, RCYO-tkut naunaipkaqtait pitquyauyut piliuqtuuq uumani *Hilataanit Ihivriurniq Tamaat Ilihainiq*²⁵ taininnga ‘ikayuqtait’ ihuatqiyauyuuq uumunnga ‘ilahaqtunut ikayuutikhat’.

Iliuriami hapkuat tukiliurutit uumunnga maligalirinirmut naunaiqtaa kangiqhidjutimik hapkunangga tainiinnik, ikikliyuumiqhugu nalunaqtuuq taimaa ikayuqtait havaangilluuniit inulrammiuyut Nunavummiut pittaaqtut. nutaqqat, inulramiit, ilangillu ilihimayukhat huna ikayuqtait piinarialik talvannga, taimaa piliuqhimagumi maligalirinirmut havagvingmilluuniit titiraqtauyuuq, piqalluanguinmat naunaitkutanik kayumiiqtitaa nutaraup pilaarutinga piliuriami tamainnit pittaarninnganit.

Unalu, naunaittuq ihariagiyauyuq malruungnit ittut tukiliurutit uumani maligalirinirmut — sikuurvik pinahuarut unalu ilihainiq pinahuarut, unalu ihumaaluutingit piyuq tamarmingnu tmunariyut pigiami hapkuat ihumaaluutingit (ukunatatit, DEA-tkut unaluuniit *Ilinniaqtuliriyiitkut*).

Atuliquyauyuq #8: Naunaipkarlugu ihumaliurutinga angikliyuut nutaqqannuat uumunnga *Ilinniaqtuliriyiitkut Maligaaq* ikikliyuumiriama ayuqhautingit nutaqqannuanut ilihaqtut ihumaliurumayut inmikkut piluni, piinariaqiaangalu.

Naunaiqhimayuuq uumani Nunavuutim *Ukiunga Angikliyuumirinnganut Maligaaq*, tamaita inuit piyait ukiunga angikliyuumirinirmut, nutaravallaarungnaiqtuq, 19ngurumi.²⁶ Uumani *Ilinniaqtuliriyiitkut Maligaaq*, piqaqtuq qaffinik ilagiyanganik uqaqtut angayuqqaanut piyut pitqutigiquplugit mikkauvallaaqtunut, taimaaluuniit sikuuqtut inminik pittaarumi, inirniungurumi. Una uuktuutigillaklugu, piliuqhimayuuq titiraqhimaninngani 31 uumunnga *Ilinniaqtuliriyiitkut Maligaaq*:

Atiliurniq mikkauvallaaqtunut

(2) taimaa ilihaqtuq mikkauvallaaqqat, angayuqqaangit uumunnga inuup atiliunginnariaqaaqtaa tamna inuk sikuurvingmi.

Atiliurniq inirniq

(3) taimaa ilihaqtuq inirniugumi, tamna inuk atiliunginnariaqaaqtuq inminik sikuurvingmi.

Uumani uuktuutingani, mikkauvallaaqtunut ilihaqtut atiliuqhimangittut sikuurvingmut angayuqqaaminit, atiliurumayut inmingnik, atuqtuq ayuqhautinik taimaa uumani maligalirinirmut nutaamingnut titiqaqtat. Akhuurutauyuq naunairiami una ihumaliuqhimayuuq piksa, piinaqtuq taimaa qangaraalungmit, naunaiqtaallu RCYO-tkut ikayuutikhamut.

Ikikliyuumiriama ayuqhautingit mikkauvallaaqtunut ilihaqtut atuqtait ihumaliurumalirumik inmingnik, RCYO-tkut pitquyait ihumaliurutinga angikliyuumiliqtuq mikkauvallaaqtunut naunaipkaqtauyut uumani ihuaqhaqhimaninngit uumunnga *Ilinniaqtuliriyiitkut Maligaaq*. Piqalluanguinmat naunaitkutakhamik uuminnga angikliyuumiliqtut mikkauvallaaqtunut pimmariktumik piplugu ilihainirmut sikuurnirlu Kaanatami,²⁷ ihumaliurninnga angiklivallialiqut mikkauvallaaqtunut ilihimayauyuq munaqhiliqinirmi inuuliriyiitkunnilu.²⁸⁻²⁹

Uqaqtauyuuq Munaqhiliriyiitkunnit aaniarvingmi maliktakhait³⁰ uqaqtuq, ilagiyanganit, tamna:

Talvani mikkauvallaaqtunut (ukiuqalluangittuq angikliyuumiqtunit, 19nik), tikitaa piqaqtumik ayuuttiaqtumik kangiqhiyullu quviagigiami qanurittaakhaanik uumunnga mamihaidjutimut piyuq, tamna mikkauvallaaqtunut piinariaqaaqtaa angikliyuumiqpalliyumik mikkauvallaaqtunut. Angikliyuumiqpalliyumik mikkauvallaaqtut ihumaliurutinga piliuqtuq aktikkulaanga inmikkut pingittuq aaniarviliaqtup ukiunga. Inulrammiuyut ihumagiyauyuq pittaqtut kangiqhittaarumiuk munaqhiliqininna unalu mamihaidjutikhaq ihivriurnirmullu. Unalu, tamna aaniarviliaqtuq kangiqhiyakhaa qayangnautingit ikayuutillu takunnaqtullu qanurittaakhaanik piyuq uuktuutinirmut mamihainirmullu, unalu mamihautingittuniklu. Taimaa mikkauvallaaqtunut

pittaarumi angirutimut, taaktit maliktakhaat uumannga mikkauvallaagtut ihumaliurutinga , taimaa mikkauvallaagtut angayuqqaangit munaqtiriyangilluuniit angirutigingitkumitku.

Naunaitkutaq piyauyuq RCYO-tkunnit Ilinniaqtuliriyiitkunnit Aaniaqtailinirmut³¹ naunaiqtait hapkuat pimmariktumik piplugu uumunnga angikliyuumiqpalliyumik mikkauvallaagtunut ukiungalu:

- Piqangittuq ihuaqhaqhimayuuq maliktakhaq;
- Akhuurninnga piliuqtuq atauhirmut pilraahugit aadlamut tunngavinganit;
- nutaqqat inulrammiuyut 12 ihivriuqtauyuuq uuminnga angikliyuumiqpalliyumik mikkauvallaagtunut ;
- Uqaqtuq, mikkauvallaagtunut ukiulgit 16-18 angikliyuumiqpalliyut.

Naunaipkarniq ihumaliurutinga angikliyuumiqpalliyumik mikkauvallaagtunut ihuaqhaqhimayumit *Ilinniaqtuliriyiitkut Maligaq* ikikliyuumirniaqtuq ayuqhautingit ukununnga mikkauvallaagtunut ilihaqtut ihumaliurumayut inminik, angikliyuumirmatalu. Una pitquyauyut ihuarutigiyaa una Naunairvik 12 uumunnga CRC, uqaqtut kavamaup uqariyaqtaminik ihumagiama tunigiama piyunnautinganut nutaraup qanuqtut ihumagiyanganik, piyuq nutaraup pittaarninnga qanurittaarninnganiklu.

Iniqtirutit

Taimaa Ilinniaqtuliriyiitkut havaktuq naunaipkainirmut ihuaqhaqhimayuuq maligakhamut uumunnga Nunavut Maligaliurvinga upin'ngakhami 2019, RCYO-tkut tuniyuuq hapkuninnga pitquyauyut piyamaanganik hapummiutigiami hivumuuriamilu ihumaqhutit ukuat inulrammiuyut Nunavummiut:

1. Uqaqtigiblugu ilauyuq akhuugutit hapkununga CRCKut maliklugit hivunikhaliugutait uvani atanguyat uvalu naunaiyaqhimania ihuaqhaqhimayuuq *Ilinniaqtuliqiyit Maligaat*.
2. Pihukhaarlugu uvalu ihumaliuttiarlugu qinirlutik uqaqtainik ilihaqtut hivungani uvalu tadjamin pivallialiqata maliguagahanik uvalu havauhikhainik ikayuutikhamun haffumunga ihuaqhaqtauhimayumin *Ilinniaqtuliqiyit Maligaat* uvalu hivungani maligaliurnikkut katimadjutini.
3. Uqaqtigilugit ilaungidjutait nukakhiit ilihaqtut hapkunanga pidjutinun uvalu ilauqatigiingnirmun hapkunani atanguyat katimadjutaini, tahapkuualuat pidjutiqaqtut ilihaqtut iliguiqtitaluktut uvalu anitauhimayut.
4. Hakugihiyuumirlugu ilihaqtut ilaqatigiingnirmik havagvingni hapkua DEAtkut imaa ilaliutilugit naunaiyaqhimayunik iluaniitunik uvalu maligani uvalu atuliqtilugit niguarnikkut pidjutit hapkununga niruaqtauhimayunun ilihaqtut kivgaqtuqtunun.
5. Ilinniaqtuliriyiitkut tuniyuuq Ilihaliqtinnagu Ayuiqhayut Ilihainiq pinahuarut tamainnut nunallaat Nunavunmi.

6. Hivullitigilugu havaktittiniq inulrammiuyut Inuit sikuuqtittikhamut titiraqhimayumi Inuit Havaamitigut Ihumaliurut.
7. Ilaliutilugu tukiliurutit tamaat ilihainiq ilihaqtullu ikayuqtait uumunnga *Ilinniaqtuliriyiitkut Maligaaq*, naunairlugulu nutaqqat, inulramiit, ilangilu ilihimayut uumunnga ikayuqtait piinariaqihimayuq. Tukiliurutit uumunnga ilihainiq pinahuarut unalu sikuurvik pinahuarut naunaiqtauyukhaq maligalirinirmut, ilaliutilugu kitut ihumaaluutigiyangit piyut tamarmut pinahuarut kina munariyakhait hapkuat ihumaaluutigiyayut.
8. Naunaipkarlugu ihumaliurutinga angikliyuumiqpalliyumik mikkauvallaagtunut uumunnga *Ilinniaqtuliriyiitkut Maligaaq* ikikliyumiriami ayuqhautingit ukununnga mikkauvallaagtunut ilihaqtut ihumaliurumayut inmingnik, angikliyumirmatalu taimailiuriami.

RCY havagvia piliuqtait hapkua pitquyayut ikayuutikhat Nunavunmiut nutaqqat inulgamiitlu haffumunga havaqatigiingnikkut hapkununga Iliniaqtulqiyiinun.

Naunaitkutit

- ¹Kavamangat Nunavut, Timinga Iliniaqtuliyiyit (2018). *Ilinniarniliriniq Turaaqpalliajavut -- Hivunikhaptिंगni Atuqtakhaptिंगnik Ilinniaqtuliyiyitkunni* Piyauhimagyuq hamanga [https://www.ourgoalsforeducation.ca/sites/default/files/Files/Backgrounder/2018-08%20\(EDU\)%20ED%20Act%20Backgrounder-FINAL_ENG.PDF](https://www.ourgoalsforeducation.ca/sites/default/files/Files/Backgrounder/2018-08%20(EDU)%20ED%20Act%20Backgrounder-FINAL_ENG.PDF)
- ²UNICEF (2007). Atuqtaulirnikkut Makpigaaq hapkununga Katimaryuagutinun hapkununga Pilaagutainun Nutaqqat. Piyauhimagyuq hamanga https://www.unicef.org/publications/index_43110.html
- ³UNICEF (2007). Atuqtaulirnikkut Makpigaaq hapkununga Katimaryuagutinun hapkununga Pilaagutainun Nutaqqat. Piyauhimagyuq hamanga https://www.unicef.org/publications/index_43110.html
- ⁴UNICEF (2007). Atuqtaulirnikkut Makpigaaq hapkununga Katimaryuagutinun hapkununga Pilaagutainun Nutaqqat. Piyauhimagyuq hamanga https://www.unicef.org/publications/index_43110.html
- ⁵UNICEF (2007). Atuqtaulirnikkut Makpigaaq hapkununga Katimaryuagutinun hapkununga Pilaagutainun Nutaqqat. Piyauhimagyuq hamanga https://www.unicef.org/publications/index_43110.html
- ⁶Kavamangat Nunavut, Timinga Iliniaqtuliyiyit (24 Qiqajjaluarvia 2018). Maligaliurvikkut Uukturumayat. Maligaq Nutannguqtutikhanik Nutannguqtirutikhanik *Ilinniaqtuliqinirmut Maligaq* umingalu *Inuit Uqauhingit Tammaqtailininga Maligaq*. Piyauhimagyuq hamanga http://nunatsiaq.com/stories/article/65674gn_seeks_to_head_off_potential_nti_lawsuit_on_education_language_legis
- ⁷Kavamangat Nunavut, Timinga Iliniaqtuliyiyit (24 Niqiliqivik 2018). Nanminigiyangit Tuhaqtitirnikkut.
- ⁸Taiyauhimagyuq Katimayiyit Ihivgiuqtukhat haffuminga Iliniaqtuliyiyit Maligaat (2015) Kinguliq Unniudjutit. Pingahua Katimaniq Hitamauyumit Maligaliurvinga. Piyauhimagyuq hamanga <http://assembly.nu.ca/sites/default/files/Report%20of%20the%20Special%20Committee%20to%20Review%20the%20Education%20Act%20-%20November%202015%20-%20English.pdf>
- ⁹Kavamangat Nunavut, Timinga Iliniaqtuliyiyit (2015). Talvuuna: Kiudjutinga uumunnga Ilinniaqtuliriyiyitkut Unipkaallu uumunnga Iltariyayut Katimayiyit Ihivriuriami *Ilinniaqtuliriyiyitkut Maligaq*.
- ¹⁰Kavamangat Nunavut, Timinga Iliniaqtuliyiyit (2015). Talvuuna: Kiudjutinga uumunnga Ilinniaqtuliriyiyitkut Unipkaallu uumunnga Iltariyayut Katimayiyit Ihivriuriami *Ilinniaqtuliriyiyitkut Maligaq*. m.2.
- ¹¹Kavamangat Nunavut, Timinga Iliniaqtuliyiyit (2015). Talvuuna: Kiudjutinga uumunnga Ilinniaqtuliriyiyitkut Unipkaallu uumunnga Iltariyayut Katimayiyit Ihivriuriami *Ilinniaqtuliriyiyitkut Maligaq*. m.2.
- ¹²Kavamangat Nunavut, Timinga Iliniaqtuliyiyit (2018). *Ilinniarniliriniq Turaaqpalliajavut -- Hivunikhaptिंगni Atuqtakhaptिंगnik Ilinniaqtuliyiyitkunni* Piyauhimagyuq hamanga [https://www.ourgoalsforeducation.ca/sites/default/files/Files/Backgrounder/2018-08%20\(EDU\)%20ED%20Act%20Backgrounder-FINAL_ENG.PDF](https://www.ourgoalsforeducation.ca/sites/default/files/Files/Backgrounder/2018-08%20(EDU)%20ED%20Act%20Backgrounder-FINAL_ENG.PDF)
- ¹³Katimaryuaqtit Kanatami (2017). Upalungaiyaqtuq inuuhirmut: Inungnut-maniliurninnga naunaiyainiq uuminnga Ilihaliqtinnagu Ayuiqhayut ilihainiq munarinirlu. Piyauhimagyuq hamanga <https://www.conferenceboard.ca/e-library/abstract.aspx?did=9231>
- ¹⁴Katimaryuaqtit Kanatami (2017). Upalungaiyaqtuq inuuhirmut: Inungnut-maniliurninnga naunaiyainiq uuminnga Ilihaliqtinnagu Ayuiqhayut ilihainiq munarinirlu. Piyauhimagyuq hamanga <https://www.conferenceboard.ca/e-library/abstract.aspx?did=9231>
- ¹⁵Katimaryuaqtit Kanatami (2017). Upalungaiyaqtuq inuuhirmut: Inungnut-maniliurninnga naunaiyainiq uuminnga Ilihaliqtinnagu Ayuiqhayut ilihainiq munarinirlu. Piyauhimagyuq hamanga <https://www.conferenceboard.ca/e-library/abstract.aspx?did=9231>
- ¹⁶Kavamangat Nunavut, Timinga Iliniaqtuliyiyit. (2018). Uqauhimik Ayuittiaqhimayunut. Piyauhimagyuq hamanga <https://www.ourgoalsforeducation.ca/en/language-proficiency>
- ¹⁷Hilaryuami Katimaryuaqtit Ilihainiq, Munariyayumit Ilihainirmullu Timiqutigiyangit (2016). Nunaryuaqput ihariagiyyuq 69 millianik nutaat sikuuqtitiinik tikiutigiyami tamna 2030 ilihainirmut tikinnahuaqtangit. Piyauhimagyuq hamanga <http://unesdoc.unesco.org/images/0024/002461/246124e.pdf>

- ¹⁸Havkavianit Qauhiyaqtiryuap Kanatamit (2013). Unniutjutaa uma Kiinauyanut Ihivriyuqtiryuamin Kanadami ukununga Maligaliuqtiinun Nunavunmi - 2013. Ilinniaqtuliyiyitkut Nunavunmi. Piyauhimagyuq hamanga http://www.oag-bvg.gc.ca/internet/docs/nun_201311_e_38772.pdf
- ¹⁹Kavamangat Nunavut, Timinga Iliniaqtuliyiyit (2018). *Ilinniarniliriniq Turaaqpalliajavut -- Hivunikhaptिंगni Atuqtakhaptिंगnik Ilinniaqtuliyiyitkunni* Piyauhimagyuq hamanga [https://www.ourgoalsforeducation.ca/sites/default/files/Files/Backgrounder/2018-08%20\(EDU\)%20ED%20Act%20Backgrounder-FINAL_ENG.PDF](https://www.ourgoalsforeducation.ca/sites/default/files/Files/Backgrounder/2018-08%20(EDU)%20ED%20Act%20Backgrounder-FINAL_ENG.PDF)
- ²⁰Valenzuela, A. (2017). Angikliyuumirlugu sikuuqtittit pinahuarut: Ihivriurniq uumunnga taigualiurniq akhuurutauninnga ihuaqtumik-piyuq qanuriliurutingit. m 3. Piyauhimagyuq hamanga <https://files.eric.ed.gov/fulltext/ED582731.pdf>
- ²¹Valenzuela, A. (2017). Angikliyuumirlugu sikuuqtittit pinahuarut: Ihivriurniq uumunnga taigualiurniq akhuuqtumik ihuaqtumik-piyuq qanuriliurutingit. Piyauhimagyuq hamanga <https://files.eric.ed.gov/fulltext/ED582731.pdf>
- ²²Ilinniaqtuliyiqinirmut Maligaaq (2008, c.15). Piyauhimagyuq hamanga <https://www.gov.nu.ca/sites/default/files/e2008snc15.pdf>
- ²³Havagvinga Hilaryuami Katimaryuaqtit Quulitqiaq Kamisinauyuuq ukununnga Inuup Ihumaqhutit (2017). *Katimaniq pilaarutingit nutarap*. Piyauhimagyuq hamanga <http://www.ohchr.org/EN/ProfessionalInterest/Pages/CRC.aspx>
- ²⁴Kavamangat Nunavut, Timinga Iliniaqtuliyiyit (2014). Tuniyauyuq Ikhivautalingmut uumunnga Ilitariyauyut Katimayit uumunnga ihivriurniq uumunnga Ilinniaqtuliriyitkut Maligaaq. Piyauhimagyuq hamanga [http://www.assembly.nu.ca/sites/default/files/TD%2060-4\(3\)%20EN%20Special%20Committee%20on%20Education%20written%20submissions.pdf](http://www.assembly.nu.ca/sites/default/files/TD%2060-4(3)%20EN%20Special%20Committee%20on%20Education%20written%20submissions.pdf)
- ²⁵Hall, B. (2015). Tikinnahuaqtangit ilihapkailugillu tamaita iliaqtut– Uuktuut naunaiyariami aturninnga ukunanink tamaat ilihainiq Nunavunmi. Kingulliqpaanga taiguagakhaq uumunnga hilataanit ihivriurniq tamaat ilihainiq. Piyauhimagyuq hamanga [http://www.assembly.nu.ca/sites/default/files/TD%20137-4\(3\)%20EN%20Reaching%20and%20Teaching%20All%20Students-A%20Model%20to%20Guide%20the%20Practice%20of%20Inclusive%20Education%20in%20Nunavut.%20Final%20Report%20of%20the%20External%20Review%20of%20Inclusive%20Education.pdf](http://www.assembly.nu.ca/sites/default/files/TD%20137-4(3)%20EN%20Reaching%20and%20Teaching%20All%20Students-A%20Model%20to%20Guide%20the%20Practice%20of%20Inclusive%20Education%20in%20Nunavut.%20Final%20Report%20of%20the%20External%20Review%20of%20Inclusive%20Education.pdf)
- ²⁶Ukiunga Angikliyuumirninnganut Maligaaq (1988, c.A-2). Piyauhimagyuq hamanga <https://www.nunavutlegislation.ca/en/download/file/fid/10726>
- ²⁷Kavamanga Kanatap, Maligaliqiyikkut (2018). Naunairvik 12 uumunnga Hilaryuami Katimaryuaqtit Agiqatiriigut Pilaarutainik Nutaqqap unalu Nutaqqaup Ilauniq Ihumaqhutit Kaanatami. <http://www.justice.gc.ca/eng/rp-pr/other-autre/article12/p3a.html>
- ²⁸Ilihariaqpaallivingit Taaktiuyut Pilaktiuyullu Alberta-mi (2015). Angirutikhat Mikkauvallaagtunut Aaniarvingmiittut. <http://cpsa.ca/wp-content/uploads/2015/08/Consent-for-Minor-Patients.pdf>
- ²⁹Alberta Ilihariaqpaallivinga Inuuliriyitkunnut (2013). Atuqtakhangit Munaqhiliqinikkut. https://www.acsw.ab.ca/document/1327/final_standardsofpractice_20131104.pdf
- ³⁰Kavamatkut Nunavunmi, Timinga Aaniaqtailinikkut (13 Qiqailruq 2015). Aaniarvingmi maliktakhait: Avaliittumik piyut angiklivalliaqitullu mikkauvallaagtunut maliktakhangit. Nanminigiyaingit Tuhaqtitinikkut.
- ³¹Nunavut Kavamangat, Havagviat Aanniaqtailinikkut (4 Tattiarnaqtuq 2017). Angikliyuumiqpalliyumik Mikkauvallaagtunut PDF. Nanminigiyaingit Tuhaqtitinikkut.